



Joint Council for
Qualifications

**TGAU, TAG,
Projectau (yn cynnwys Project Estynedig)**

Gwasanaethau ar ôl y Canlyniadau

- Ail-wiriadau clerigol
- Adolygiadau o'r marcio
- Adolygiadau o'r cymedroli
- Dychwelyd sgriptiau

Gwybodaeth a chanllawiau i ganolfannau ar gyfer
asesiadau i'w cymryd yng nghyfres arholiadau
Mehefin 2022

Cynhyrchwyd ar ran:



Pwyntiau cyswllt cyrff dyfarnu

Corff dyfarnu	Cofrestru, cyflwyno a gwybodaeth ar-lein Dylid cyflwyno ceisiadau ar-lein	Rhif ffôn (Dim ond os nad yw gwneud cais ar-lein yn bosibl y dylech ddefnyddio ffurflen gais)	Cyfeiriad post (Dim ond os nad yw gwneud cais ar-lein yn bosibl y dylech ddefnyddio ffurflen gais)
AQA	Gwasanaethau Canolfan (Centre Services) https://onlineservices.aqa.org.uk/	0800 197 7162	Os nad yw canolfannau yn gallu cyflwyno cais trwy ddefnyddio Gwasanaethau Canolfan dylent gysylltu ag AQA trwy ffonio
CCEA	www.ccea.org.uk I gofrestru ewch ar-lein neu cysylltwch â'r adran Cefnogaeth i Ganolfannau (Centre Support) ar 028 9026 1200 est 2410 neu 2443 neu anfonwch e-bost i centresupport@ccea.org.uk	Ffôn: 028 9026 1451 Ffacs: 028 9026 1290	CCEA Clarendon Dock 29 Clarendon Road Belfast BT1 3BG
City & Guilds	www.cityandguilds.com I gael gwybodaeth, anfonwch e-bost i policy@cityandguilds.com	0300 303 53 52	City & Guilds 1 Giltspur Street Llundain EC1A 9DD
OCR	Interchange www.ocr.org.uk I gofrestru ewch i www.ocr.org.uk neu cysylltwch â'r Ganolfan Cefnogi Cwsmeriaid (Customer Support Centre) yn OCR trwy ffonio	01223 553998	Os nad yw canolfannau'n gallu cyflwyno cais trwy Interchange dylent gysylltu â'r Ganolfan Cefnogi Cwsmeriaid (Customer Support Centre) yn OCR trwy ffonio
Pearson	Edexcel Online www.edexcelonline.com I gofrestru ar gyfer Edexcel Online, ewch i: qualifications.pearson.com/en/contact.us.html	Canolfannau cartref: 0344 463 2535 Canolfannau rhyngwladol: +44 (0) 1204 770696	Os nad yw canolfannau'n gallu cyflwyno cais gan ddefnyddio Edexcel Online, dylent gysylltu â'r Tîm Gwasanaeth Cwsmeriaid (Customer Service Team) trwy ffonio
CBAC	Gwefan Ddiogel CBAC www.wjecservices.co.uk I gofrestru, anfonwch gais e-bost i securewebsite@wjec.co.uk gan ddyfynnu rhif y ganolfan, enw'r ganolfan ac enw cyswllt	01443 845619	Gwasanaethau ar ôl y Canlyniadau CBAC Uned A16/17 Ffordd Gwaelod Y Garth Stad Ddiwydiannol Trefforest Pontypridd Rhondda Cynon Taf CF37 5XF

Cynnwys

Tudalen

Adran Un: Cyffredinol

1.	Cyflwyniad	1
2.	Dyddiadau allweddol a therfynau amser cyfres Mehefin 2022	3
3.	Ffioedd	4

Adran Dau: Adolygiadau o'r Canlyniadau (AC) ac apeliadau

4.	Adolygiadau o'r Canlyniadau (AC)	
4.1	Cyfrifoldebau'r ganolfan	5
4.2	Cydsyniad yr ymgeisydd	5
4.3	Gwasanaethau Adolygiadau o'r Canlyniadau	6
4.4	Cyflwyno ceisiadau	11
4.5	Cydnabyddiaeth	11
4.6	Canlyniad adolygiadau	12
4.7	Pryder canolfan am farcio carfan	13
4.8	Marciau Graddfa Marciau Unffurf (GMU) – cymwysterau TAG a TGAU unedol	14
4.9	Camymddwyn gan ymgeiswyr	14
5.	Apeliadau	15

Adran Tri: Dychwelyd Sgriptiau

6.	Dychwelyd Sgriptiau (DS)	
6.1	Trefniadau dychwelyd sgriptiau arholiad wedi'u marcio	16
6.2	Amodau'r gwasanaeth Dychwelyd Sgriptiau (DS)	16
6.3	Copiâu o sgriptiau i gefnogi adolygiadau o'r marcio	17
6.4	Copiâu o sgriptiau i gefnogi addysgu a dysgu	17
6.5	Cynlluniau marcio	18
6.6	Cael gwared ar sgriptiau	18
6.7	Rheoliad Cyffredinol ar Ddiogelu Data (GDPR)	18

Atodiad A	Ail-wiriadau clerigol, adolygiadau o'r marcio ac apeliadau – Ffurflen cydsyniad yr ymgeisydd	19
------------------	--	----

Atodiad B	Dychwelyd Sgriptiau – Ffurflen cydsyniad yr ymgeisydd i gael dychwelyd sgriptiau arholiad a'u defnyddio	20
------------------	---	----

ADRAN UN: Cyffredinol

1. Cyflwyniad

1.1 Mae tair adran i'r llyfryn hwn:

- **Adran Un** rhoi golwg gyffredinol ar broses y gwasanaethau ar ôl y canlyniadau;
- **Adran Dau** cyfeirio at Adolygiadau o'r Canlyniadau (ail-wirio clerigol, adolygiad o'r marcio ac adolygiad o'r cymedroli ac apeliadau);
- **Adran Tri** cyfeirio at Ddychwelyd Sgriptiau.

1.2 Mae'r llyfryn hwn yn nodi'r trefniadau cyffredin ar gyfer gwasanaethau ar ôl y canlyniadau. Fodd bynnag, gallai cyrff dyfarnu gynnig gwasanaethau ychwanegol ar ôl y canlyniadau. Gan y bydd y cyrff dyfarnu yn cyhoeddi eu canllawiau gweinyddol eu hunain am wasanaethau ar ôl y canlyniadau, darllenwch y llyfryn hwn ynghyd ag unrhyw wybodaeth a gyhoeddir gan y cyrff dyfarnu. Dylai canolfannau gyfeirio at wefannau cyrff dyfarnu.

1.3 **Nid yw'r** llyfryn hwn yn ymwneud â'r gwasanaethau canlyniadau coll ac anghyflawn (MIR) sy'n ymdrin â phryderon am y mathau canlynol o ganlyniadau:

- 'Dim canlyniad' (X);
- 'Absenoldeb Rhannol' (e.e. D#);
- 'Yn aros am ganlyniad' (Q).

I ymholi am ganlyniad o'r fath, dylid cyfeirio at y ddogfennaeth berthnasol a ddarperir gan y corff dyfarnu unigol.

Bydd y corff dyfarnu'n ymchwilio i'r ymholiad ac yn cyflwyno adroddiad amdano yn ddi-dâl. Gellir datrys y rhan fwyaf o'r ymholiadau ar y diwrnod canlyniadau penodol trwy wiriadau prosesu.

1.4 Yn achos ymgeiswyr sy'n dilyn manylebau unedol TGAU, TAG UG a TAG Safon Uwch[†] sydd wedi cyflawni digon o ganlyniadau uned i gael dyfarniad cymhwyster ond heb hawlio ardystiad, gallant wneud hynny'n hwyrach trwy eu canolfan. **Rhaid** i'r ganolfan gyflwyno'r cais i'r corff dyfarnu perthnasol **cyn** y terfyn amser a gyhoeddir ar gyfer y gyfres dan sylw. Bydd pob corff dyfarnu'n cyhoeddi ei ganllawiau gweinyddol ei hun, a fydd yn rhoi manylion y dull o gyflwyno ceisiadau ac unrhyw dâl am y gwasanaeth hwn.

[†]Canolfannau sy'n dilyn manylebau unedol TGAU, TAG UG a TAG Safon Uwch yng Nghymru a Gogledd Iwerddon.

1.5 Os oes gan ganolfan bryderon am farcio cydran, dylid cyflwyno adolygiadau cyn gynted â phosibl ar gyfer pob ymgeisydd sy'n dymuno gwneud cais am adolygiad. Bydd hyn yn galluogi'r corff dyfarnu i ystyried ansawdd y marcio yn gyfannol a rhoi unrhyw gamau ymchwilio angenrheidiol ar waith yn amserol.

Rhaid i ymgeiswyr ddarparu eu cydsyniad ysgrifenedig ar gyfer adolygiadau o'r marcio.

Pwysig: Mae cyrff dyfarnu yn cyngori ymgeiswyr ac/neu eu canolfannau yn gryf i hysbysu eu dewisiadau prifysgol neu goleg eu bod wedi gwneud cais am adolygiad o'r canlyniadau. Trwy eu hysbysu, efallai y gallant gadw lle i'r ymgeisydd tan y bydd yr adolygiad wedi'i gwblhau.

Ni fydd corff dyfarnu yn hysbysu UCAS nac unrhyw un arall fod cais wedi'i wneud am adolygiad o'r marcio. Fodd bynnag, bydd yn hysbysu UCAS o unrhyw newid i raddau o ganlyniad i adolygiad. Mae manylion llawn am y canllawiau a ddarperir gan UCAS i'w cael yma:

<https://www.ucas.com/undergraduate/results-confirmation-and-clearing/results/exam-reviews-and-appeals>

2. Dyddiadau allweddol a therfynau amser cyfres Mehefin 2022

- 2.1 Er mwyn i'r cyrff dyfarnu allu darparu gwasanaeth effeithlon, mae'n hollbwysig bod canolfannau'n bodloni'r terfynau amser a'r dyddiadau allweddol canlynol. **Rhaid** cyflwyno ceisiadau i'r cyrff dyfarnu erbyn y dyddiad cau perthnasol.

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

2.2 Dyddiadau allweddol a therfynau amser cyfres Mehefin 2022

Dyddiad allweddol	Adolygiadau o'r Canlyniadau (AC)	Dychwelyd Sgriptiau (DS)
18 Awst	- Cyhoeddi canlyniadau TAG UG a Safon Uwch - Cyhoeddi canlyniadau'r Project Estynedig - Gellir bellach gwneud cais am ail-wiriadau clerigol, adolygiadau o'r marcio, ac adolygiadau o'r cymedroli	Sgriptiau TAG UG a Safon Uwch Gall canolfannau ofyn am gopïau o'r sgriptiau TAG UG a Safon Uwch i gefnogi adolygiadau o'r marcio a/neu addysgu a dysgu
25 Awst	- Cyhoeddi canlyniadau TGAU - Cyhoeddi canlyniadau Project Sylfaen ac Uwch - Gellir bellach gwneud cais am ail-wiriadau clerigol, adolygiadau o'r marcio, ac adolygiadau o'r cymedroli	Sgriptiau TGAU Gall canolfannau ofyn am gopïau o sgriptiau TGAU i gefnogi adolygiadau o'r marcio a/neu addysgu a dysgu
25 Awst	TERFYN AMSER i gyrff dyfarnu dderbyn ceisiadau am adolygiadau o'r marcio Gwasanaeth Blaenoriaethol 2 (Cymwysterau TAG Safon Uwch yn unig)	
1 Medi		TERFYN AMSER i gyrff dyfarnu dderbyn ceisiadau am gopïau o sgriptiau TAG UG a Safon Uwch i gefnogi adolygiadau o'r marcio (Pythefnos ar ôl cyhoeddi'r canlyniadau TAG UG a Safon Uwch)
8 Medi		Y dyddiad hwyraf y bydd canolfannau yn derbyn copïau o sgriptiau TAG UG a Safon Uwch i gefnogi adolygiadau o'r marcio (Tair wythnos cyn y terfyn amser ar gyfer gwneud cais am Adolygiadau o'r Canlyniadau TAG UG a Safon Uwch)
8 Medi		TERFYN AMSER i gyrff dyfarnu dderbyn ceisiadau am gopïau o sgriptiau TGAU i gefnogi adolygiadau o'r marcio (Pythefnos ar ôl cyhoeddi'r canlyniadau TGAU)
15 Medi		Y dyddiad hwyraf y bydd canolfannau yn derbyn copïau o sgriptiau TGAU i

		gefnogi adolygiadau o'r marcio (Pythefnos cyn y terfyn amser ar gyfer gwneud cais am Adolygiadau o'r Canlyniadau TGAU)
--	--	---

20 Medi	• TERFYN AMSER i gyrff dyfarnu dderbyn ceisiadau am ddyfarniadau pwnc hwyr (Cymwysterau unedol TGAU, TAG UG a Safon Uwch yng Nghymru a Gogledd Iwerddon)	
29 Medi	• TERFYN AMSER ar gyfer Adolygiadau o'r Canlyniadau TAG UG a Safon Uwch: Dyddiad olaf i gyrff dyfarnu dderbyn ceisiadau (Tair wythnos ar ôl i ganolfannau dderbyn copïau o sgriptiau TAG UG a Safon Uwch i gefnogi adolygiadau o'r marcio) • TERFYN AMSER ar gyfer Adolygiadau o'r Canlyniadau TGAU: Dyddiad olaf i gyrff dyfarnu dderbyn ceisiadau (Pum wythnos ar ôl i ganolfannau dderbyn copïau o sgriptiau TGAU i gefnogi adolygiadau o'r marcio)	• TERFYN AMSER i gyrff dyfarnu dderbyn ceisiadau am gopïau o sgriptiau TAG UG a Safon Uwch i gefnogi addysgu a dysgu (Chwe wythnos ar ôl cyhoeddi'r canlyniadau TAG UG ac Uwch) • TERFYN AMSER i gyrff dyfarnu dderbyn ceisiadau am gopïau o sgriptiau TGAU i gefnogi addysgu a dysgu (Pum wythnos ar ôl cyhoeddi'r canlyniadau TGAU)

Cyfeiriwch at wefannau'r gyrff dyfarnu eraill i weld dyddiadau allweddol a therfynau amser ar gyfer cymwysterau eraill.

2.3 **Ni dderbynnir ceisiadau sy'n cyrraedd ar ôl y dyddiad cau perthnasol.**

Mae rhagor o fanylion i'w gweld yn **adran 4.5 – Cydnabyddiaeth**.

2.4 Gellir gohirio dychwelyd sgriptiau os yw canolfan wedi gofyn am adolygiad o'r marcio yn yr un uned/gydran. Mewn achosion eithriadol, lle cyhoeddwyd canlyniadau ar ôl y dyddiad cyhoeddi arferol, bydd y dyddiad cau ar gyfer cyflwyno ceisiadau yn cael ei ymestyn am gyfnod o'r un hyd â'r oedi.

3. **Ffioedd**

3.1 Mae'r ffioedd am wasanaethau ar ôl y canlyniadau (Dychwelyd Sgriptiau, ail-wiriadau clerigol, adolygiadau o'r marcio, ac adolygiadau o'r cymedroli) yn cael eu pennu'n annibynnol a'u cyhoeddi gan y gyrff dyfarnu.

ADRAN DAU:

Adolygiadau o'r Canlyniadau (AC) ac apeliadau

4. Adolygiadau o'r Canlyniadau (AC)

4.1 Cyfrifoldebau'r ganolfan

- 4.1.1 **Rhaid** i staff perthnasol y ganolfan fod yn gwbl ymwybodol o'r broses ar ôl y canlyniadau, gan gynnwys y terfynau amser a gyhoeddwyd ar gyfer ail-wiriadau clerigol, adolygiadau o'r marcio ac adolygiadau o'r cymedroli.

Rhaid i ganolfannau sicrhau bod ymgeiswyr yn gwybod y trefniadau ar gyfer ail-wiriadau clerigol, adolygiadau o'r marcio ac adolygiadau o'r cymedroli cyn cyhoeddi'r canlyniadau. Lle y gofynnir am hynny, rhaid i ganolfannau hefyd ddarparu datganiad o'r trefniadau i ymgeiswyr cyn gynted â phosibl.

Rhaid i uwch aelodau o staff y ganolfan fod ar gael i ymgeiswyr yn syth ar ôl cyhoeddi'r canlyniadau fel y gellir trafod y canlyniadau a gwneud penderfyniadau o ran cyflwyno ceisiadau am adolygiadau o'r marcio. **Rhaid** hysbysu'r ymgeiswyr o'r cyfnodau y bydd staff y ganolfan ar gael fel eu bod yn gallu cynllunio'n unol â hynny.

Ar gyfer ymgeiswyr mewnol bydd cyrff dyfarnu ond yn derbyn ceisiadau am adolygiadau o'r marcio gan ganolfannau ac nid gan ymgeiswyr neu rieni ymgeiswyr. **Rhaid** i ganolfannau sicrhau bod proses ar waith ganddynt er mwyn i ymgeiswyr mewnol apelio yn erbyn penderfyniad y ganolfan i beidio mynd ar drywydd adolygiad o'r marcio.

Anogir ymgeiswyr preifat i gyflwyno cais am adolygiadau o'r marcio drwy eu canolfan. Fodd bynnag, gallant gyflwyno cais yn uniongyrchol i gorff dyfarnu. Nodir ymgeiswyr preifat gan y ganolfan wrth gyflwyno cofrestriadau. Bydd cyrff dyfarnu yn defnyddio'r wybodaeth hon i ddilysu ceisiadau sy'n dod yn uniongyrchol gan ymgeiswyr. Bydd y corff dyfarnu yn rhoi gwybod i ymgeiswyr preifat am y broses ar gyfer adolygiadau o'r marcio.

4.2 Cydsyniad yr ymgeisydd

- 4.2.1 **Rhaid** i ganolfannau gael cydsyniad ysgrifenedig yr ymgeisydd am ail-wiriadau clerigol ac adolygiadau o'r marcio, gan y gellir gostwng marciau a graddau pwnc yr ymgeiswyr gyda'r gwasanaethau hyn. **Os na lwyddir i wneud hyn, bydd yn cael ei ystyried yn gamymddwyn gan ganolfan.**

Rhaid cael cydsyniad yr ymgeisydd am ail-wiriadau clerigol ac adolygiadau o'r marcio ar ôl cyhoeddi'r canlyniadau.

- **Rhaid** hysbysu'r ymgeiswyr y gallai eu marciau a graddau pwnc ostwng yn ogystal â chodi ac mae'n **rhaid** darparu cydsyniad ysgrifenedig **cyn** cyflwyno cais. (Mae **Atodiad A** yn rhoi awgrym o ffurflen y gall canolfannau ei defnyddio. Mae cydsyniad ysgrifenedig gan yr ymgeisydd drwy e-bost yn dderbyniol hefyd.)
- Mae cais ar-lein yn cynnwys cadarnhad i'r corff dyfarnu bod cydsyniad ysgrifenedig yr ymgeisydd wedi'i gael. (Mae cyflwyno ffurflen gais wedi'i llofnodi'n gwneud yr un peth.)
- **Rhaid** i'r ganolfan gadw ffurflenni neu negeseuon e-bost cydsyniad gan ymgeiswyr am chwe mis o leiaf ar ôl canlyniad ail-wiriad clerigol neu adolygiad o'r marcio neu unrhyw apêl ddilynol. Mae'r cyrff dyfarnu'n cadw'r hawl i wneud cais am unrhyw ddogfennau.

4.2.2 **Nid** oes angen cydsyniad ysgrifenedig yr ymgeisydd ar gyfer adolygiad o'r cymedroli. Gellir gostwng marciau'r ymgeisydd ond **ni fydd** ei raddau pwnc a gyhoeddwyd yn gostwng yn y gyfres dan sylw. Fodd bynnag, dylai canolfannau fod yn ymwybodol y gellid trosglwyddo marc wedi'i ostwng i ardystiad yn y dyfodol. Er enghraifft, os yw marc asesiad di-arholiad sy'n cyfrannu at ddyfarniad UG (**cymhwyster unedol TAG UG**) yn cael ei ostwng oherwydd adolygiad o'r cymedroli, bydd y radd UG yn cael ei gwarchod, ond bydd y marc is yn cyfrannu at unrhyw ddyfarniad Safon Uwch dilynol (**cymhwyster unedol TAG Safon Uwch**).

Felly, rhaid i ganolfannau sicrhau bod ymgeiswyr yn gwybod y gellir gostwng marc ar gyfer cydran Asesiad Di-arholiad a allai effeithio ar ardystiad yn y dyfodol.

4.3 Gwasanaethau Adolygiadau o'r Canlyniadau.

4.3.1 Gwasanaeth 1 (Ail-wiriad clerigol)

- Cyflwynwch y cais ar-lein.
- Mae angen cydsyniad yr ymgeisydd ac mae'n **rhaid** i'r ganolfan ei gadw ar ffeil (**gweler adran 4.2**).
- **Rhaid** i'r corff dyfarnu dderbyn y cais erbyn **29 Medi 2022**.
- Y terfyn amser ar gyfer cwblhau'r gwaith yw o fewn 10 diwrnod calendr i'r corff dyfarnu dderbyn y cais.

Bydd y gwasanaeth hwn yn cynnwys y gwiriadau canlynol:

- bod holl rannau'r sgript wedi cael eu marcio;
- cyfansymu'r marciau;
- cofnodi'r marciau.

Adroddir canlyniad yr ail-wiriad clerigol ynghyd â datganiad o'r cyfanswm marciau am bob uned neu gydran a gynhwysir yn yr ymholiad.

Ail-wiriadau clerigol Gwasanaeth 1 yn unig y gellir gofyn amdanynt am brofion gwrthrychol (profion dewis lluosog).

4.3.2 Gwasanaeth 2 (Adolygiad o'r marcio)

Mae'r gwasanaeth ar ôl canlyniadau hwn yn cynnig adolygiad o'r marcio gwreiddiol i sicrhau bod y cynllun marcio wedi'i gymhwyso'n gywir.

Gall gwall marcio ddigwydd oherwydd:

- gwall gweinyddol;
- methiant i gymhwyso'r cynllun marcio os mai dim ond ateb 'cywir' neu 'anghywir' sydd i dasg;
- arfer barn academiaidd yn afresymol.

Bydd y corff dyfarnu yn hyfforddi ei adolygwyr i gynnal adolygiadau o'r marcio yn gywir ac yn gyson. **Ni fydd** adolygwyr yn ail-farcio'r sgript. Byddant ond yn gweithredu i gywiro unrhyw wallau a nodwyd yn y marcio gwreiddiol.

Mae'r gwasanaeth hwn ar gael ar gyfer y cydrannau a asesir yn allanol mewn manylebau unedol a llinol TAG a TGAU.

- Cyflwynwch y cais ar-lein.
- Mae angen cydsyniad yr ymgeisydd ac mae'n **rhaid** i'r ganolfan ei gadw ar ffeil (**gweler adran 4.2**).
- **Rhaid** i'r corff dyfarnu dderbyn y cais erbyn **29 Medi 2022**.
- Y terfyn amser ar gyfer cwblhau'r gwaith yw o fewn 20 diwrnod calendr i'r corff dyfarnu dderbyn y cais.

Bydd y gwasanaeth hwn yn cynnwys:

- yr ail-wiriadau clerigol a nodir yng Ngwasanaeth 1;
- adolygiad o'r marcio fel y disgrifir uchod.

Os oes gan ganolfan bryderon am farcio carfan gyfan yn y ganolfan, cyfeiriwch at adran 4.7.

Cynghorir canolfannau yn gryf y dylid cyflwyno ceisiadau am adolygiadau o'r marcio ar gyfer unrhyw ymgeiswyr, fesul pwnc, sy'n destun pryder cyn gynted â phosibl. Dylai hyn gynnwys pob cydran/uned, gan edrych ar y pwnc, lle mae'r ganolfan yn meddwl bod gwall marcio wedi digwydd. Yna, bydd y corff dyfarnu yn gallu ystyried ansawdd y marcio yn gyfannol a dechrau unrhyw gamau ymchwilio angenrheidiol mewn modd amserol.

Ni all newidiadau i ganlyniadau ymgeiswyr sy'n deillio o adolygiadau o'r marcio arwain at gais dilynol hwyr am adolygiad o'r cymedroli.

4.3.3 Gwasanaeth Blaenoriaethol 2 (Adolygiad o'r marcio)

Mae'r gwasanaeth hwn ar gael ar gyfer y cydrannau a asesir yn allanol mewn manylebau unedol a llinol TAG Safon Uwch.

Mae'r gwasanaeth blaenoriaethol hwn yn cynnig adolygiad o'r marcio gwreiddiol i sicrhau bod y cynllun marcio wedi'i gymhwyso'n gywir.

Gall gwall marcio ddigwydd oherwydd:

- gwall gweinyddol;
- methiant i gymhwyso'r cynllun marcio os mai dim ond ateb 'cywir' neu 'anghywir' sydd i dasg;
- arfer barn academiaidd yn afresymol.

Bydd y corff dyfarnu yn hyfforddi ei adolygwyr i gynnal adolygiadau o'r marcio yn gywir ac yn gyson. **Ni fydd** adolygwyr yn ail-farcio'r sript. Byddant ond yn gweithredu i gywiro unrhyw wallau a nodwyd yn y marcio gwreiddiol.

Pwysig: Mae corff dyfarnu yn cynghori ymgeiswyr ac/neu eu canolfannau yn gryf i hysbysu eu dewisiadau prifysgol neu goleg eu bod wedi gwneud cais am adolygiad o'r canlyniadau. Trwy eu hysbysu, efallai y gallant gadw lle i'r ymgeisydd tan y bydd yr adolygiad wedi'i gwblhau.

Ni fydd corff dyfarnu yn hysbysu UCAS nac unrhyw un arall fod cais wedi'i wneud am adolygiad o'r marcio. Fodd bynnag, bydd yn hysbysu UCAS o unrhyw newid i raddau o ganlyniad i adolygiad. Mae manylion llawn am y canllawiau a ddarperir gan UCAS i'w cael yma:

<https://www.ucas.com/undergraduate/results-confirmation-and-clearing/results/exam-reviews-and-appeals>

- Cyflwynwch y cais ar-lein.
- Mae angen cydsyniad yr ymgeisydd ac mae'n **rhaid** i'r ganolfan ei gadw ar ffeil (**gweler adran 4.2**).
- **Rhaid** i'r corff dyfarnu dderbyn y cais yn ddim hwyrach na **25 Awst 2022** (saith diwrnod ar ôl cyhoeddi'r canlyniadau TAG Safon Uwch).
- Y terfyn amser ar gyfer cwblhau'r gwaith yw o fewn 15 diwrnod calendr i'r corff dyfarnu dderbyn y cais.

Cynghorir canolfannau yn gryf y dylid cyflwyno ceisiadau am adolygiadau o'r marcio ar gyfer unrhyw ymgeiswyr, fesul pwnc, sy'n destun pryder cyn gynted â phosibl. Mae hyn yn arbennig o wir ynghylch adolygiadau blaenoriaethol o'r marcio os yw lle'r ymgeisydd yn y brifysgol neu'r coleg yn y fantol. Dylai hyn gynnwys pob cydran/uned, gan edrych ar y pwnc yn ei gyfanrwydd, lle mae'r ganolfan yn meddwl bod gwall marcio wedi digwydd. Yna, bydd y corff dyfarnu yn gallu ystyried ansawdd y marcio yn gyfannol a dechrau unrhyw gamau ymchwilio angenrheidiol mewn modd amserol.

Os yw ymgeisydd TAG Safon Uwch yn ystyried cael adolygiad o'r marcio gan ddefnyddio Gwasanaeth Blaenoriaethol 2, yna cyfeirwch at wefan y corff dyfarnu perthnasol i ddeall goblygiadau gofyn am gopi o'r sript.

4.3.4 Gwasanaeth 3 (Adolygiad o'r cymedroli)

Mae'r broses hon yn adolygu'r cymedroli gwreiddiol er mwyn sicrhau bod y meini prawf asesu wedi'u cymhwyso'n deg, yn ddibynadwy ac yn gyson. **Nid** ailgymedroli gwaith yr ymgeiswyr yw hyn. Bydd y corff dyfarnu wedi hyfforddi ei adolygwyr i gynnal adolygiadau o'r cymedroli yn gywir ac yn gyson.

Noder **na fydd** y gwasanaeth hwn ar gael os yw marciau'r gwaith cwrs a asesir yn fewnol (gwaith cwrs neu asesiad di-arholiad) yn eich canolfan wedi'u derbyn heb newid gan y corff dyfarnu.

- Cyflwynwch y cais ar-lein.
- **Nid oes** angen cydsyniad yr ymgeisydd (**gweler adran 4.2**).
- **Rhaid** i'r corff dyfarnu dderbyn y cais erbyn **29 Medi 2022**.
- Y terfyn amser ar gyfer cwblhau yw hyd at 35 diwrnod calendr ar ôl i'r adolygwr dderbyn y sampl gwaith gwreiddiol gan y ganolfan. Mae hyn oherwydd cymhlethdodau'r broses fel cydlynw rhwng y ganolfan a'r cymedrolwr.
- Dylai canolfannau hysbysu ymgeiswyr Safon Uwch na fydd adolygiadau o gymedroli o angenrheidrwydd yn cael eu cwblhau i fodloni terfynau amser prifysgolion unigol.
- Cynhelir y gwaith o adolygu'r cymedroli ar y sampl wreiddiol o waith ymgeiswyr.
- **Ni fydd** adolygiad o'r cymedroli yn cael ei gynnal ar waith ymgeisydd unigol na gwaith ymgeiswyr nad oeddent yn y sampl gwreiddiol.

Nid oes modd adolygu'r cymedroli os yw marc ar gyfer cydran a asesir yn fewnol wedi'i drosglwyddo i gyfres ddilynol.

Rhaid i ganolfannau sydd â'r sampl gwaith gwreiddiol yn eu meddiant wneud yn siŵr ei fod yn barod i'w anfon. Bydd manylion yr adolygwr i anfon y gwaith ato'n cael eu darparu. **Ni ddylid** anfon gwaith a aseswyd gan y ganolfan wrth gyflwyno'r adolygiad o'r cymedroli.

Mae'n **rhaid** i waith a gyflwynir i adolygu'r cymedroli:

- gael ei anfon at yr adolygwr o fewn **tri diwrnod gwaith ar ôl derbyn cyfarwyddiadau gan y corff dyfarnu**. Gall methiant i wneud hyn ohirio canlyniad yr adolygiad, neu arwain at ganslo'r adolygiad;
- bod yn waith gwreiddiol a gyflwynwyd i'w gymedroli;
- bod wedi'i gadw dan amodau diogel a heb ei ddychwelyd at yr ymgeiswyr.

Ni ellir ymgymryd â'r gwasanaeth hwn ar ddeunydd darfodedig onid oes modd darparu tystiolaeth addas (megis recordiad cyfryngau o berfformiadau theatrig).

Dylai canolfannau nodi y gall fod angen iddynt gadw copi o'r gwaith os yw ymgeisydd yn bwriadu ailgyflwyno gwaith ar gyfer y cyfle asesu nesaf.

Rhaid i ganolfannau sy'n gweithredu fel rhan o gonsortiw gyflwyno ceisiadau ar ran pob canolfan yn y consortiw hwnnw. **Ni all** canolfannau unigol yn y consortiw ofyn am adolygiad o'r cymedroli ar eu rhan eu hunain yn unig.

Ni all newidiadau i ganlyniadau ymgeiswyr sy'n digwydd ar ôl adolygiad o'r cymedroli arwain at gais hwyr dilynol i gael adolygu marcio cydran arholiad ysgrifenedig.

4.4 Cyflwyno ceisiadau

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

4.4.1 Y gwasanaethau ar ôl y canlyniadau cyhoeddedig yw'r unig gyfrwng i fynd i'r afael â phryderon am wallau yn y marcio gwreiddiol.

4.4.2 Lle nad yw canolfan yn gallu defnyddio safle allrwyd corff dyfarnu, **rhaid** i'r ganolfan ffonio'r corff dyfarnu unigol ar unwaith.

4.4.3 **Ni ellir** derbyn llythyrau o bryder fel ceisiadau. **Rhaid** i ganolfannau sydd â phryderon o'r fath ddefnyddio'r gwasanaethau ar ôl y canlyniadau cyhoeddedig. **Ni ddylai** canolfannau anfon llythyrau o bryder gyda'u ceisiadau.

4.4.4 **Rhaid** i bob cais ar ran ymgeiswyr mewnlol gael ei gyflwyno (ac felly eu cefnogi gan y ganolfan) gan aelod awdurdodedig o staff y ganolfan. Cyn cyflwyno cais, dylai canolfannau wirio bod yr holl fanylion yn gywir yn cynnwys enw'r ymgeisydd, rhif yr ymgeisydd a chod y gydran.

Gellir cyflwyno ceisiadau ar gyfer ymgeiswyr preifat naill ai drwy'r ganolfan neu'n uniongyrchol i gorff dyfarnu.

Ni fydd cyrff dyfarnu'n derbyn ceisiadau a gyflwynir gan unrhyw unigolion eraill, e.e. gan rieni/gofalwyr.

4.4.5 **Rhaid** i ganolfannau fod â gweithdrefn apeliadau ffurfiol y gellir ei defnyddio os na all canolfannau ac ymgeiswyr, neu eu rhieni/gofalwyr, gytuno a ddylid cyflwyno cais am adolygiad o'r canlyniadau. **Rhaid** i'r weithdrefn apeliadau ffurfiol gael ei rhannu'n eang. **Rhaid** i ganolfannau dynnu sylw ymgeiswyr a'u rhieni/gwarchodwyr at y weithdrefn apelio. Pan fydd canolfannau'n penderfynu a ydynt am gefnogi adolygiad o'r canlyniadau, dylent ystyried yr holl ffactorau perthnasol a rhoi cyfle rhesymol i ymgeiswyr neu eu rhieni/gofalwyr fynegi eu barn. Anogir canolfannau i ymestyn y weithdrefn apeliadau ffurfiol i unrhyw ymgeiswyr preifat. O ran ymgeiswyr mewnlol, dim ond gyda chanolfannau y gall cyrff dyfarnu gynnal trafodaethau am wasanaethau ar ôl y canlyniadau. Bydd cyrff dyfarnu yn derbyn ceisiadau am wasanaethau ar ôl y canlyniadau yn uniongyrchol gan ymgeiswyr preifat.

4.4.6 **Rhaid** i ymgeiswyr ddarparu eu cydsyniad ysgrifenedig ar gyfer ail-wiriadau clerigol ac adolygiadau o'r marcio ar ôl cyhoeddi'r canlyniadau (**gweler adran 4.2**).

4.4.7 **Rhaid** cyflwyno ceisiadau am bynciau unedol o fewn y cyfnod ymholi yn syth ar ôl cyhoeddi'r canlyniadau am yr uned. **Ni ellir cyflwyno ceisiadau'n adolygol ar gyfer cyfres flaenorol.**

4.4.8 Gweler yr adran ar bwyntiau cyswllt corff dyfarnu (ar du fewn y clawr blaen) am fanylion cyflwyno ceisiadau i'r cyrff dyfarnu.

4.4.9 **Ni all** cyrff dyfarnu ganslo ymholiad ar ôl ei gyflwyno.

4.5 Cydnabyddiaeth

4.5.1 Cydnabyddir pob cais o fewn 7 diwrnod gwaith.

4.5.2 Os na dderbynnir cydnabyddiaeth o fewn y cyfnod hwn, yna dylai canolfannau gymryd nad yw'r cais wedi'i dderbyn a **rhaid** iddynt gysylltu â'r corff dyfarnu dan sylw **ar unwaith**. Dylai canolfannau hefyd wirio cynnydd y cais yn rheolaidd.

4.5.3 Os na chysylltir tan ar ôl y terfyn amser ar gyfer cyflwyno gwasanaethau ar ôl y canlyniadau, nid oes rhaid i'r corff dyfarnu fynd ymlaen â'r cais ar-lein.

4.6 Canlyniad adolygiadau

4.6.1 Bydd canlyniad pob adolygiad yn cael ei gadarnhau gan y corff dyfarnu priodol.

4.6.2 Bydd y corff dyfarnu yn darparu rheswm dros benderfyniad a wneir mewn adolygiad o'r marcio. Os bydd y marc wedi newid, y rheswm fydd naill ai bod gwall gweinyddol neu wall marcio wedi digwydd. Byddai gwall marcio'n digwydd lle na fydd arholwr wedi cymhwyso'r cynllun marcio neu unrhyw weithdrefn berthnasol arall yn gywir, h.y.

- os na roddwyd y marc 'cywir' mewn tasg lle mae marc 'cywir' neu 'anghywir' i'w gael;
- os arferwyd barn academiaidd yn afresymol†.

4.6.3 Mae tri chanlyniad posibl yn deillio o adolygiad o'r cymedroli:

- dim newid i'r penderfyniad cymedroli gwreiddiol;
- cywiriad i'r penderfyniad cymedroli gwreiddiol;
- adfer marciau'r ganolfan.

Bydd y corff dyfarnu yn rhoi rheswm ar gyfer y ddau ganlyniad cyntaf.

4.6.4 Pan fo gradd yn newid a thystysgrif wedi'i rhyddhau'n flaenorol, bydd un newydd yn cael ei darparu yn dangos y radd ddiwygiedig ar ôl i'r ganolfan ddychwelyd y dystysgrif wreiddiol i'r corff dyfarnu.

4.6.5 Bydd UCAS yn cael ei hysbysu o unrhyw newidiadau i raddau TAG. (**Rhaid** i ganolfannau ymgyswrtio â threfniadau UCAS: <https://www.ucas.com/advisers/?tile=tile-471>).

4.6.6 Lle bu gostyngiad mewn marciau neu israddio yn dilyn adolygiad o'r marcio, **ni ellir** diddymu'r cais ac **ni fydd** y marc na'r radd wreiddiol yn cael ei adfer.

†Barn academiaidd yw beth sydd ynghlwm wrth asesu. Gall arholwyr gwahanol ddod i farn wahanol. Mae afresymoldeb mewn barn academiaidd yn digwydd pan fo'r marc a roddwyd yn un na fyddai unrhyw arholwr rhesymol wedi gallu ei ddyfarnu'n iawn.

4.7 Pryder canolfan am farcio carfan

4.7.1 Os oes gan ganolfan bryderon am un o'i charfanau cydran/pwnc, yna dylid cyflwyno ceisiadau am adolygiadau o'r marcio ar gyfer yr **holl** ymgeiswyr maent yn credu yr effeithir arnynt. Bydd hyn yn galluogi'r corff dyfarnu i ystyried ansawdd y marcio yn gyfannol a rhoi unrhyw gamau cywiro angenrheidiol ar waith yn amserol.

4.7.2 **Rhaid** i ganolfannau gael cydsyniad ysgrifenedig ymgeisydd am adolygiadau o'r marcio **ar ôl** cyhoeddi'r canlyniadau, gan y gellir gostwng marciau a graddau pwnc ymgeiswyr gyda'r gwasanaethau hyn.

- **Rhaid** hysbysu ymgeiswyr o'r canlyniad posibl hwn a darparu eu cydsyniad ysgrifenedig **cyn** cyflwyno unrhyw gais. Mae **Atodiad A** yn rhoi awgrym o ffurflen y gall canolfannau ei defnyddio. Mae cydsyniad ysgrifenedig gan yr ymgeisydd drwy e-bost yn dderbyniol hefyd.
- **Rhaid** i'r ganolfan gadw ffurflenni neu negeseuon e-bost cydsyniad gan ymgeiswyr am chwe mis o leiaf ar ôl canlyniad adolygiad o'r marcio neu unrhyw apêl ddilynol. Mae'r cyrff dyfarnu'n cadw'r hawl i archwilio unrhyw ddogfennau.
- Mae cais ar-lein yn cynnwys cadarnhad i'r corff dyfarnu bod cydsyniad ysgrifenedig yr ymgeisydd wedi'i gael. Mae cyflwyno ffurflen gais wedi'i llofnodi'n gwneud yr un peth.

4.7.3 Mae corff dyfarnu yn gorfod cymryd camau ymchwilio pellach os oes tuedd arwyddocaol mewn tan-farcio a gor-farcio.

4.7.4 Lle mae corff dyfarnu yn dechrau camau ymchwilio, **nid yw** marciau a graddau pwnc ymgeiswyr wedi eu gwarchod yn awtomatig. Felly, gellir gostwng, cadarnhau neu godi marciau a graddau pwnc ymgeiswyr.

4.8 Marciau Graddfa Marciau Unffurf (GMU) – manylebau TAG a TGAU unedol

4.8.1 Gellir cael esboniad o sut y cyfrifir marciau unffurf ar wefannau'r cyrff dyfarnu. Fodd bynnag, gallai'r canlynol fod yn ddefnyddiol:

- Marciau crai yw'r marciau a gofnodir gan arholwyr – mae'r uchafswm marciau crai yn wahanol yn ôl yr uned/cydran;
- Adroddir canlyniadau ymgeiswyr mewn pynciau unedol fel marciau unffurf – pennir y rhain ar gyfer pob uned/cydran gyda phwysoliad cyfartal.
- Cyfrifir marciau unffurf o farciau crai.
- Ni fydd perthynas uniongyrchol amlwg rhwng marciau crai a marciau unffurf o angenrheidrwydd.
- Dan rai amgylchiadau, gall amrywiadau bach mewn marciau crai arwain at wahaniaethau GMU mwy.
- Bydd cyrff dyfarnu yn monitro canlyniad adolygiadau o'r marcio o ran marciau crai nid marciau unffurf.

4.9 Camymddwyn gan ymgeiswyr

4.9.1 Os darganfyddir bod ymgeiswyr wedi bod yn camymddwyn yn ystod adolygiad o'r marcio neu adolygiad o'r cymedroli, bydd y sgript/gwaith cwrs/asesiad di-arholiad yn cael ei brosesu'n unol â dogfen y CGC *Amau Camymddwyn – Polisiâu a Gweithdrefnau*. Efallai y bydd ymgeiswyr yn colli rhai neu'r cyfan o'u marciau, a bydd hyn felly'n effeithio ar y graddau a ddyfarnwyd.

5. Apeliadau

- 5.1 Mae'r broses apeliadau ar gael i ganolfannau ac ymgeiswyr preifat ar ôl derbyn canlyniad adolygiad o'r canlyniadau. Dylid cyfeirio at gyhoeddiad y CGC *Canllaw i brosesau apeliadau'r cyrff dyfarnu*. Mae'r llyfryn hwn yn rhoi manylion llawn prosesau apeliadau'r cyrff dyfarnu a'r amserlenni cysylltiedig. Mae ar gael ar wefan y CGC:
<http://www.jcq.org.uk/exams-office/appeals>
- 5.2 Dim ond ar ôl i adroddiad am ganlyniad adolygiad o'r canlyniadau gael ei gyflwyno i'r ganolfan y gellir cyflwyno apeliadau.
- Ni ellir cyflwyno apêl yn erbyn penderfyniad adolygiad o'r cymedroli ar ran ymgeisydd unigol.
- 5.3 O ran ymgeiswyr mewnol, pennaeth y ganolfan yn unig all gyflwyno apêl i'r corff dyfarnu perthnasol.
- 5.4 **Rhaid** cyflwyno apeliadau'n ysgrifenedig a dylent nodi sail yr apêl yn glir.
- 5.5 Gall cyrff dyfarnu godi ffi am apeliadau. Ad-delir y ffi hon os yw'r apêl yn llwyddiannus.

Rhaid i ganolfannau sicrhau bod gweithdrefn apeliadau ffurfiol ar waith i'w defnyddio mewn achosion lle nad yw canolfannau ac ymgeiswyr, neu eu rhieni/gofalwyr, yn gallu cytuno a ddylid cyflwyno apêl i'r corff dyfarnu perthnasol. **Rhaid** i'r weithdrefn apeliadau ffurfiol gael ei rhannu'n eang. **Rhaid** i ganolfannau dynnu sylw ymgeiswyr a'u rhieni/gwarchodwyr at y weithdrefn apelio.

Wrth benderfynu cefnogi apêl ai peidio, dylai canolfannau ystyried yr holl ffactorau perthnasol a rhoi cyfle rhesymol i ymgeiswyr neu eu rhieni/gofalwyr fynegi eu barn. O ran ymgeiswyr mewnol, gall cyrff dyfarnu drafod apeliadau gyda chanolfannau yn unig. Bydd cyrff dyfarnu'n derbyn apeliadau'n uniongyrchol gan ymgeiswyr preifat.

Adran Tri: Dychwelyd Sgriptiau

6. Dychwelyd Sgriptiau (DS)

Gall canolfannau wneud cais am:

- gopïau o sgriptiau i gefnogi adolygiadau o'r marcio a fydd yn cael eu darparu i ganolfannau yn ddim hwyrach na 8 Medi 2022 (cymwysterau TAG UG a Safon Uwch) neu erbyn 15 Medi 2022 (cymwysterau TGAU); a/neu
- copïau o sgriptiau i gefnogi addysgu a dysgu.

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

Rhaid i bob aelod o staff yn y ganolfan fod yn gwbl ymwybodol o'r rheolau ar gyfer y trefniadau hyn.

Rhaid i ganolfannau sicrhau bod ymgeiswyr yn gwybod y trefniadau ar gyfer dychwelyd sgriptiau cyn cyhoeddi'r canlyniadau.

Rhaid i ganolfannau gyflwyno cais ar ran ymgeisydd preifat pan ofynnir iddynt wneud hynny.

6.1 Trefniadau dychwelyd sgriptiau arholiad wedi'u marcio

6.1.1 Bydd y cyrff dyfarnu yn darparu trefniad dychwelyd sgriptiau wedi'u marcio ar gyfer yr arholiadau canlynol:

- TAG UG a Safon Uwch
- TGAU.

Gall y cyrff dyfarnu ddarparu trefniad dychwelyd sgriptiau wedi'u marcio ar gyfer cymwysterau eraill. Cyfeiriwch at wefannau'r cyrff dyfarnu i gael gwybodaeth.

6.1.2 Mae 'sgript' yn cyfeirio at waith ysgrifenedig ymgeisydd sydd yn ganlyniad cydran a asesir yn allanol.

6.1.3 Gellir dod o hyd i wybodaeth ychwanegol am y dehongliad o sgriptiau arholiad wedi'u marcio ar wefannau'r cyrff dyfarnu.

6.2 Amodau'r gwasanaeth Dychwelyd Sgriptiau (DS)

Oni nodir yn wahanol, mae cyfeiriadau at 'ymgeiswyr' yn cynnwys ymgeiswyr mewnol ac ymgeiswyr preifat. Bydd cyrff dyfarnu ond yn rhyddhau copïau o sgriptiau i ganolfannau dan yr amodau canlynol.

6.2.1 **Rhaid** cael caniatâd ysgrifenedig ymlaen llaw gan unrhyw ymgeisydd lle mae'r ganolfan yn bwriadu gofyn am ei sgript(iau).

Dylid ond gofyn am y cydsyniad hwn **ar ôl** i'r ymgeiswyr dderbyn eu canlyniadau am y gyfres arholiadau dan sylw. Mae gan ymgeiswyr sy'n rhoi eu cydsyniad yr hawl i gael gwneud eu sgriptiau'n ddienw cyn iddynt gael eu defnyddio.

Atodir ffurflen enghreifftiol i staff y ganolfan ei defnyddio wrth ofyn am gydsyniad ymgeisydd i wneud cais am sgriptiau a'u defnyddio, sef **Atodiad B**. Mae cydsyniad ysgrifenedig gan yr ymgeisydd drwy e-bost yn dderbyniol hefyd.

- 6.2.2 Athrawon sy'n aelodau o staff yn y ganolfan honno neu o fewn consortiwm o ganolfannau **yn unig** sy'n cael gweld sgriptiau neu dylent gael eu dychwelyd yn syth i'r ymgeiswyr.

6.3 Copïau o sgriptiau i gefnogi adolygiadau o'r marcio

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

- 6.3.1 Bydd canolfannau yn gallu gofyn am gopïau o sgriptiau TAG UG, TAG Uwch a TGAU cyn penderfynu a ddylid gofyn am adolygiad o'r marcio.

Os yw ymgeisydd TAG Safon Uwch yn ystyried cael adolygiad o'r marcio gan ddefnyddio Gwasanaeth Blaenoriaethol 2, yna cyfeiriwch at wefan y corff dyfarnu perthnasol i ddeall goblygiadau gofyn am gopi o'r sgript.

- 6.3.2 **Rhaid** cyflwyno ceisiadau i gyrff dyfarnu ar y dyddiadau canlynol ar yr hwyraf:

Sgriptiau TAG UG a Safon Uwch:

1 Medi 2022 – pythefnos ar ôl cyhoeddi'r canlyniadau TAG UG ac Uwch;

Sgriptiau TGAU:

8 Medi 2022 – pythefnos ar ôl cyhoeddi'r canlyniadau TGAU.

- 6.3.3 Bydd canolfannau'n derbyn y copïau yn ddim hwyrach na 8 Medi 2022, tair wythnos cyn y terfyn amser ar gyfer adolygiadau o farcio cymwysterau TAG UG a Safon Uwch, neu 15 Medi 2022, pythefnos cyn y terfyn amser ar gyfer adolygiadau o farcio cymwysterau TGAU.

- 6.3.4 **Ni fydd** ceisiadau sy'n cyrraedd ar ôl y terfyn amser yn cael eu derbyn.

- 6.3.5 Dylai canolfan sy'n mynnu copi o sgript sydd wedi bod yn rhan o ail-wiriad clerigol neu adolygiad o'r marcio edrych ar wefan y corff dyfarnu perthnasol am ragor o wybodaeth.

6.4 Copïau o sgriptiau i gefnogi addysgu a dysgu

Rhaid i ganolfannau gyflwyno ceisiadau ar-lein drwy safleoedd allrwyd y cyrff dyfarnu.

- 6.4.1 **Rhaid** cyflwyno ceisiadau i gyrff dyfarnu ar y dyddiadau canlynol ar yr hwyraf:

Sgriptiau TAG UG a Safon Uwch:

29 Medi 2022 – chwe wythnos ar ôl cyhoeddi'r canlyniadau TAG UG ac Uwch;

Sgriptiau TGAU:

29 Medi 2022 – pum wythnos ar ôl cyhoeddi'r canlyniadau TGAU.

6.4.2 **Ni fydd** ceisiadau sy'n cyrraedd ar ôl y terfyn amser yn cael eu derbyn.

6.5 Cynlluniau marcio

- 6.5.1 Bydd copi o'r cynllun marcio perthnasol ar gael i ganolfannau gan y corff dyfarnu, fel arfer ar ôl cyhoeddi'r canlyniadau.

6.6 Cael gwared ar sgriptiau

- 6.6.1 Os yw athrawon wedi defnyddio copïau o sgriptiau ymgeiswyr i bwrpasau addysgu a dysgu ond nad ydynt am eu cadw mwyach, **rhaid** iddynt wneud yn siŵr eu bod yn cael gwared arnynt mewn ffordd gyfrinachol.
- 6.6.2 Ac eithrio deunydd archif, **nid yw** cyrff dyfarnu yn cadw atebion ymgeiswyr am gyfnod amhenodol. Mae hyn yn cynnwys sgriptiau arholiad a delweddau sgriptiau electronig.

6.7 Rheoliad Cyffredinol ar Ddiogelu Data (GDPR)

- 6.7.1 Mae'r wybodaeth a gofnodir gan ymgeiswyr mewn sgriptiau arholiadau wedi'i heithrio rhag Ceisiadau am Fynediad at Ddata dan ddarpariaethau GDPR y DU.

Atodiad A



AQA

City & Guilds

CCEA

OCR

Pearson

CBAC

Ail-wiriadau clerigol, adolygiadau o'r marcio ac apeliadau

Ffurflen cydsyniad yr ymgeisydd

Gwybodaeth i ymgeiswyr

Mae'r wybodaeth ganlynol yn esbonio beth all ddigwydd yn dilyn ail-wiriad clerigol, adolygiad o'r marcio ac unrhyw apêl ar ôl hynny.

Os bydd eich ysgol neu goleg yn gwneud cais am ail-wiriad clerigol neu adolygiad o'r marcio gwreiddiol, ac yna apêl ddilynol, ar gyfer un o'ch arholiadau ar ôl i'ch gradd yn y pwnc gael ei chyhoeddi, gall tri pheth ddigwydd:

- Bydd eich marc gwreiddiol yn cael ei ostwng, felly gallai eich gradd derfynol fod yn is na'r radd wreiddiol a gawsoch.
- Bydd eich marc gwreiddiol yn cael ei gadarnhau, felly nid oes unrhyw newid i'ch gradd.
- Bydd eich marc gwreiddiol yn cael ei godi, felly gallai eich gradd derfynol fod yn uwch na'r radd wreiddiol a gawsoch.

Er mwyn mynd ymlaen â'r ail-wiriad clerigol neu'r adolygiad o'r marcio, **rhaid** i chi lofnodi'r ffurflen isod. Mae hyn yn dweud wrth bennaeth eich canolfan eich bod wedi deall beth allai ddigwydd, a'ch bod yn cydsynio i gyflwyno'r ail-wiriad clerigol a'r adolygiad o'r marcio.

Ffurflen cydsyniad yr ymgeisydd

Rhif y ganolfan	Enw'r ganolfan
Rhif yr ymgeisydd	Enw'r ymgeisydd

Manylion yr adolygiad (corff dyfarnu, lefel y cymhwyster, teitl y pwnc, cydran/uned)

.....

.....

Rwyf yn cydsynio i bennaeth fy ysgol neu goleg gyflwyno ail-wiriad clerigol neu adolygiad o'r marcio ar gyfer yr arholiad(au) a restrir uchod. Wrth gydsynio yr wyf yn deall y gallai'r radd derfynol yn y pwnc a/neu farc sy'n cael ei dyfarnu i mi ar ôl ail-wiriad clerigol neu adolygiad o'r marcio ac unrhyw apêl ddilynol fod yn is, yn uwch neu'r un peth â'r radd a ddyfarnwyd yn wreiddiol am y pwnc hwn.

Llofnodwyd: Dyddiad:

Dylid cadw'r ffurflen hon yn ffeiliau'r ganolfan am o leiaf chwe mis yn dilyn canlyniad ail-wiriad clerigol, adolygiad o'r marcio neu unrhyw apêl sy'n cael ei wneud ar ôl hynny.



AQA

City & Guilds

CCEA

OCR

Pearson

CBAC

Dychwelyd Sgriptiau

Ffurflen gydsynio ymgeisydd i ddychwelyd a defnyddio sgriptiau arholiad

Rhif y ganolfan	Enw'r ganolfan
Rhif yr ymgeisydd	Enw'r ymgeisydd
Lefel y cymhwyster/teitl y pwnc	Cod y gydran/uned

☐ Rwy'n cydsynio i'm sgriptiau gael eu defnyddio gan fy nghanolfan.

Ticiwch UN o'r blychau isod:-

☐ Os bydd unrhyw un o'm sgriptiau yn cael eu defnyddio yn yr ystafell ddosbarth, nid wyf yn dymuno i unrhyw un wybod mai fy sgriptiau i ydynt. Rhaid dileu fy enw a'm rhif ymgeisydd.

☐ Os bydd unrhyw un o'm sgriptiau yn cael eu defnyddio yn yr ystafell ddosbarth nid wyf yn gwrthwynebu os yw pobl eraill yn gwybod mai fi ysgrifennodd y sgriptiau.

Llofnodwyd:

Dyddiad:

Dylid cadw'r ffurflen hon ar ffeiliau'r ganolfan am o leiaf chwe mis.